



# Bodleian Libraries

UNIVERSITY OF OXFORD

This book is part of the collection held by the Bodleian Libraries and scanned by Google, Inc. for the Google Books Library Project.

For more information see:

<http://www.bodleian.ox.ac.uk/dbooks>




This work is licensed under a Creative Commons Attribution-NonCommercial-ShareAlike 2.0 UK: England & Wales (CC BY-NC-SA 2.0) licence.


*B. T. 1. 396*


MONS CATHARINÆ,

PROPE WINTONIAM.









## MONS CATHARINÆ.

**A**ERIO Catharina jugo, quà despicit arces  
Pierias, liquidisque interlita pascua rivis,  
Quà prisca circum apparent vestigia Martis,  
Excubiæque cavæ, et veteris munimina valli;  
Wiccamicam videas lusu contendere pubem  
Multiplici, vacuumque leves celebrare palæstras,  
Festa dies quoties rediit, concessaque ritè  
Otia, purpureoque rubentes lumine soles,  
Invitant, nimiae curas lenire Minervæ,  
Librorumque moras, et dura remittere pensa.

Ergo,

Ergo, Cecropiæ quales æstate cohortes,  
 Siquando ceras, nondumque tenacia relinquunt  
 Mella vagæ, luditque favis emiffa Juventus,  
 Mox studio majore novos obitura labores;  
 Egreditur pullatum agmen; camposque patentes  
 Occupat, ingentisque tenet spatia ardua clivi.  
 Nec mora; quisque suos mores, animumque fateri,  
 Ingeniumque sequi, propriæque accingier arti.  
 Pars aciem instituunt, et justo utrinque phalanges  
 Ordine, et adversæ positæ stant fortibus alæ.  
 His datur, Orbiculum metis prohibere propinquis,  
 Præcipitique levem per gramina mittere lapsu:  
 Ast aliis, quorum pedibus fiducia major,  
 Excubias agitare vagas, cursuque citato  
 Sectari, et jam jam salienti insistere prædæ;  
 Usque adeo stimulat rapidus globus ire sequaces  
 Ancipiti de colle, pilæque volubilis error.  
 Aut volitantem altè, longeque per aera pulsum

Suspiciunt,



Suspiciunt, pronosque inhiant captantque volatus,  
 Sortiti fortunam oculis; manibusque paratis  
 Expectant propiorem, intercipiuntque caducum.

At pater Ichinus viridantes, vallibus imis,  
 Quà reficit falices, subductæ in margine ripæ,  
 Pars vegetos nudant artus, et flumina saltu  
 Summa petunt: jamque alternis placidum ictibus æquor  
 In numerum, pedibusque secant, et remige plantâ;  
 Jamque ipso penitus merguntur gurgite, prono  
 Corpore, spumantemque undam sub vertice torquent  
 Præcipites, faliuntque lacu, luduntque lavando.  
 Protinus emerfis, nova gratia crinibus udis  
 Nascitur, atque oculis subito micat acribus ignis  
 Lætior, impubesque genæ formosiùs ardent.

Interea licitos colles, atque otia iustâ,  
 Illi indignantes, ripæ ulterioris amore,  
 Longinquos campos, et non sua rura capeffunt.



8 M O N S C A T H A R I N Æ.

Sive illos (quæ corda folet mortalia passim)  
In vetitum mens prona nefas, et iniqua cupido  
Sollicitet; Novitasve trahat dulcedine mirâ  
Infuetos tentare per avia pascua calles:  
Seu malint secum obscuros captare recessus,  
Secreto faciles habituri in margine Musas:  
Quicquid erit, cursu pavitanti, oculisque retortis,  
Fit furtiva via, et suspectis passibus itur.  
Nec parvi stetit Ordinibus cessisse, locumque  
Deseruisse datum, et signis abiisse relictis.

Quin lusu incerto cernas gestire Minores;  
Usque adeo instabiles animos nova gaudia lactant!  
Se saltu exercent vario, et luctantur in herbâ,  
Innocuasve edunt pugnas, aut gramine molli  
Otia agunt fusi, clivisque sub omnibus hærent.  
Aut Aliquis tereti ductos in marmore gyros  
Suspiciens, miratur inextricabile textum;

Sive

Sive illic Lemurum populus sub nocte choreas  
 Plauferit exiguas, viridesque attriverit herbas;  
 Sive olim pastor fidos descripserit ignes,  
 Verbaque difficili composita reliquerit orbe,  
 Confusasque notas, impressaque cespite vota.

At Juvenis, cui sunt meliores pectore sensus,  
 Cui cordi rerum species, et dædalus ordo,  
 Et tumulum capit, et sublimi vertice solus,  
 Quæ latè patuere, oculos fert singula circum.  
 Colle ex opposito, flaventi campus aristâ  
 Aureus, adversoque relucent jugera sole:  
 At procul obscuræ pecudes, et rura remotis  
 Indiciis, et cæruleâ nemus accubat umbrâ:  
 Sub pedibus fluvii, et sparsis frondentia Tempe  
 Arboribus, passimquè vigent convallis honores  
 Irriguæ: mediisque viretis maxima circum  
 Religio, et veteres muscoso culmine turres

B

Apparent,

10 M O N S C A T H A R I N Æ.

Apparent, faxoque rudi venerabile Templum.  
A dextrâ, patulis priscum caput extulit ulmis  
Wiccamidûm domus alma, et Musis hospita tecta:  
Nec procul ampla ædes, et eodem læta patrono,  
Et delubrum ingens, centum sublime columnis,  
Emicuit; fassæque fenestræ antiquius ævum  
Ordine multiplici, et magnâ fastigia mole.  
Hinc atque hinc extat vetus Urbs, olim inclyta bello,  
Et muri disjecti, et propugnacula lapsa;  
Infectique Lares, lævisque palatia ducta  
Auspiciis. Nequeunt expleri corda tuendo,  
Et tacitam permulcet imago plurima mentem.

O fœlix Puerorum ætas, luceſque beatæ!  
Vobis dia quies animis, et tristia vobis  
Nondum sollicitæ subierunt tædia vitæ!  
En vobis roſco ore ſalus, curæque fugaces,  
Et lacrymæ, ſiquando, breves; dulcesque cachinni,

Et

Et faciles, ultrò nati de pectore, rifus!  
O fortunati nimium! Si talia content  
Gaudia jam pueris, Ichinum propter amænum,  
Ah! sedes ambire novas quæ tanta cupido est,  
Dotalemque domum, et promissas Ifidis undas?  
Ille licèt virides Musarum dividat hortos,  
Cecropio par Ilisso, pulcherrimus amnis,  
Et centum ostendet fœlici margine tures.















































